

徐公文集

三

徐公文集

PDG

徐公文集卷第十一

東海徐呂鉉

舒州周將軍廟碑銘

壽州刺史劉公神道碑銘

唐故德勝軍節度使扶風馬廐公神道碑銘

舒州周將軍廟碑銘

將軍諱瑜字公瑾廬江舒人也吳史列傳功炳乎

丹青皖城遺祠頌闕乎金石嗚呼皇天有造物之

柄有愛民之仁必待聖人而後行王者有承天之

德有濟世之量必待聖人而後發故天人合應聖

弘

于

于

于

于

賢相須民之司命闕一不可雖復凌雲之臺非一

木之材千金之裘非一狐之腋然其建大號運長

策揔覽英傑弘濟艱難亦一二人而已故革夏者

九有之師而伊尹為阿衡翦商者三千同德而呂

望為尚父秦為無道高祖誅之則鄴侯蓋於羣后

莽據閭位光武正之則仲華冠於四七漢宗失御

孫氏奮發破虜討逆繼志勤王而將軍傾蓋於千

載之期濡足於百六之會策名江左宣力中朝殊

勲盛烈曠代齊契何其偉哉於時王業始基羣亮

方熾國難荐及人心屢搖將軍情發於中義形於

貞

劄

于

色履艱危之際貞節彌堅率振蕩之衆伸威方厲
推誠以明大義故逆折游說之鋒屈身以表至公
故首定君臣之敬摧赤壁之陣勢動九州建漢中
之謀量包四海於是強敵攝迹羣生延頸姦雄之
智無所施焉漢室之隆未可量也嗚呼天未悔禍
國之不幸修塗止於偏帥大命殞於巴丘流慟於
當時遺恨於終古豈四百之祚曆數難移三分之
基彊宇有限不然何雄才大略神授之如彼短命
促齡天奪之如此忽乎茫昧不可得而詳也夫英
聲由於茂實元功出於全德威稜所及非勉強之

彼能績用斯存豈毀譽之可奪有吳為新造之國
柴桑乃觀望之師大帝非爭衡之才子布有私室
之顧將軍投袂而起橫戈以出魏蜀二主天下英
雄或垂翅而宵奔或俛首而求救降茲以往烏足
道哉至於分財推宅之仁觀樂審音之妙知人先
覺之指存交服物之懷實天縱其能亦行有餘力
矣嗟夫民墜塗炭真主所以臞瘠天造草昧良佐
所以驅馳非君臣同體不足以濟大業非帷幄共
斷不足以制橫流將軍能沮幼生之譚而吳主亦
能拒敵國之間將軍能畫不世之策而吳主亦能

署

樹

破羣疑之心故得不顯霸功若斯之盛當此時也
如趙士之碌碌漢相之齷齪徒使有若林之會安
能施一繩之維又況於市道之交署門之客哉此
義夫節士所以感激於風雲惆悵於時運者也嗚
呼微管之績既耀於中區盛德之祀遂崇於東夏
歷世逾遠善慶彌彰翼子謀孫徙封移社而文庶
繁衍故在舒庸召樹猶存魯堂無壞光靈不泯實
生太尉中書令西平恭烈王馬半千之運懸符祖
德萬夫之望允濟時屯始為定難之雄終為佐命
之老而仁風所被多在故鄉王與嗣子鄴皆節制

塞言塞言

廬江令仲子祚復刺舉瀟部過里門而載軾瞻廟
貌而長懷命梓人以新其堂興督里宰以除其徑
術教祝史以潔其籩豆率宗屬以薦其孝思肇建
豐碑以永前烈懿哉象賢之美共理之勤民用接
和歲則大有庾夫不佞敢作頌云

皇天上帝敷佑下民既命賢主亦生賢臣有若將
軍救時之屯仗義秉信資忠輔仁堂堂定策蹇蹇
忘身雄飛夏口橫薦江陵將軍猶生漢室不傾
將軍既歿天下三分盛德之享嚴祠未陞壯天擊
節義士沾巾倚歎舊國赫矣雲孫嗣勲纂服長戟

高門壽宮有煥靈貌如存我紆蘭佩來挹犧樽懷
賢慷慨用獻斯文

大唐故_時啓運功臣清淮軍節度壽
州觀察處置等使特進檢校太傅使持
節都督壽州諸軍事壽州刺史御史大
夫上柱國彭城威侯贈太尉劉公神道

碑

聞夫郊圻內理牧萬民者是曰諸侯夷狄外攘守
四方者其惟猛士然則安危異任文武殊塗故天
下方爭韓彭英吳橫雕戈而震耀羣生待理龔黃

于

修

層
謀

寇賈擁阜蓋以從容及夫昭格寰區紛綸簡冊其
歸一也代有人焉若乃揔是全謨覃於奕葉流光
受社潛齊累將之家崇德計功下視懸卿之族古
難具美我則兼之公諱崇俊字德脩其先彭城人
高祖升調補山陽淮陰尉遂家焉即為縣人也岳
峻洪基海䟽遙派陽城相土千齡侯伯之封沛澤
中興兩代帝王之胤懷黃結紫論鼎甲以盱衡刻
像圖形誓山河而捧袂國史家牒披卷可知頃者
聖運中微羣方暫擾驪山之北犬戎興戲水之師
踐土之庭天子屈河陽之召公路擁南陽之衆偕

堡

久幾

驚

號仲家隗囂據隴右之圖坐論西伯勤王問罪吳
太祖始定楊州賜朕專征昭皇帝遂加殊禮於是
揚旌北討遷寇迹於淮濱闢土西封謀守臣於諸
將命我顯祖作牧鍾離乃固保障之嚴載施犬馬
之備軍無耗政將期十萬之行師有見糧即聚九
年之蓄方圖大舉已仗前受永年不登未幾而歿
長山羣盜舊畏來公西域故營願從班勇復命烈
考嗣膺使符不還渭水之兵誓卒龍門之託故蓼
城之戰斬獲過當汝陰之圖策勲居最先零委質
闕充國以無由獫狁驚蒐射郅都而不中疇庸錫

美建清淮軍以壯中權加禮慎終贈太尉公以光
幽窆既而鼓輦悽愴部曲徘徊家有遺恩人思世
德帝曰崇俊惟爾恭儉孝友誠明忠和任則中軍
帥位則文昌長誕舉攸職予惟汝嘉濠梁之郊控
扼遐裔惟乃祖金克懋厥始乃考仁規克慎厥中
肆予命爾克成厥終往哉汝諧無廢朕命公銜恤
奉詔墨經即戎鋪陳政經討閭軍實思有以光大
前緒播揚國風初二先公之理也屬洛邑再遷浚
郊作梗偽新竊據乃延十五之期黃武開元始創
三分之業犬牙之地虵尾常搖鋒鏑縱橫車徒奔

走摧牙獸困尚遙斥復之謨賴尾魚勞未暇綏懷
之術逮公之理也寇皆遠遁民佇息肩千里風從
四方聳聽以為格物必在於立制也故藝貢賦以
息貪暴之端暢刑章以拯姦宄之極賞不虛授罰
其必行以為富邦必在於務本也故使民以時相
地之利持未熟之稻游惰自遷班再易之田兼并
絕偉以為邊寧不可以忘武備也故遠斥堠浚溝
隍竹與木而靡遺膏與苦而畢給亭障屹峙軍聲
隱然以為強兵必在於實王畿也故招懷邊氓講
習戎事游兵冀馬俱為無犯之容晉勇齊雄並集

驚

一

選和之下歲棟精銳歸之京師其餘庶政常經門
見戶睹斯可略而言也高皇帝禮均元老寵冠列
藩受禪之初則進上公之秩肆類之際則委庶使
之權言必見從無再却之奏君常高枕忘北顧之
憂皇上欽奉重熙聿遵無改毗倚尤重親敬有加
初先太尉公之薨也西北小驚戒嚴從便因詔執
事移清淮軍於壽春及是復立定遠軍即命公為
節度使仍以公少子匡符尚永嘉公主留侯操印
初躋上將之壇帝子吹簫即降王姬之館禮優伯
舅望重懿親于時公涖濠梁十有七年矣米鹽皆

警

署 豎

序丞史當才閉閣罕爭譽烽無警朝廷以公能光
前烈雅得邊情清淮之師遺風仍在俾盛一家之
美載嚴萬里之城改壽州刺史充清淮軍節度使
鄧侯倏去雞鳴傷父老之心長者負來虎渡息鄉
閭之患能事畢舉考功再暮方將建大旆以風驅
指函關而電掃雲中雞犬八公之迹徒存夢裏膏
肅二豎之妖遂作春秋四一保大四年夏六月十
有六日薨于壽春公署皇上剪鬚靡及穿鐸方遙
投綠沈之瓜悲哀竟日賜黃銀之帶慷慨霑襟廢
朝三日中使護葬詔兵部侍郎李貽業持節冊贈

太尉賜謚曰威即以其年秋九月十五日脩鹵簿
 鼓吹葬于濠洲鍾離縣大化里之原禮也前夫人
 李氏後夫人隴西郡君李氏皆太師趙忠懿王女
 也賴鄉仙李即開柱史之源參野飛龍遂紀宗卿
 之籍勲庸六鎮時高謝氏之門師範兩朝室有班
 姬之訓荃蘼蘭蕙映戚里以芬芳藻荇蘋蘩播婦
 儀而昭哲門內之理夫人有焉子八人二子幼長
 子節早年次範滁州刺史次簡次策次霸時未仕
 次符秘書郎或得公之政事或得公之兵鈐學禮
 學詩惟忠惟孝皆推酥酪之味咸有芝蘭之芳所

謂積善餘慶世濟其美者也惟公山河龍鳳凝粹
彩於神姿緯候風雲集淵謀於靈府議公家之事
不以身為行將軍之令每由剛克卒祖禰之成業
可謂幸修庸牧伯之寵章訖無虛授所以始終匪
玷福祿攸歸同族之間朱輪結軌季父仁瞻作鎮
夏口弟崇恬崇儻更典晉陵其餘將軍列侯中郎
校尉銀黃照爛光浮通德之門珩珮陸離譽雜高
陽之里苟非自天攸相與國無疆其孰能與於此
乎向使享大年數遠略鴻飛鵬舉功未可量也天
命不然能無永悼昔者荊州從事猶牽墮淚之悲

貞

太宰舊寮亦有懷鈐之請况乎世功丕顯揭日月
以高驤帝念唯隆會雲龍而下濟欲垂萬葉可不
務乎微臣職典絲綸詞非清潤持亦管以承詔拂
貞珉而投刃使蚩蚩氓隸觀迹而長懷眇眇來雲
披文而盡信其銘曰

惟彼陶唐有此異方自天祐之後嗣其昌侯遷魯
縣帝隱芒碭猗那大族嵩華配長風颯城興我
遐祚顯顯山陽著我高祖高祖伊何仁而不遇慶
鍾令孫聿來用武皇運中否諸侯起爭浚郊帖亂
淮濡不庭吳王奮發受鉞專征命我顯祖守濠之